

ACTA DA SESIÓN EXTRAORDINARIA DA XUNTA DE GOBERNO LOCAL DO DÍA 8 DE AGOSTO DE 2024

SEÑORES/AS ASISTENTES:

ALCALDE:

Don José Luís Camiñas Vázquez

CONCELLEIROS/AS:

Dona Begoña Vázquez López

Dona Patricia Hermida Deza

SECRETARIO:

Don José María Novo Ramos

Na Casa do Concello de Rodeiro, a oito de agosto de dous mil vinte e catro, reunidos en primeira convocatoria os/as señores/as concelleiros/as que á marxe se citan, baixo a presidencia do Sr. alcalde-presidente Don José Luís Camiñas Vázquez, asistido do secretario da Corporación que subscribe, tivo lugar a sesión extraordinaria da Xunta de

Goberno Local, ao efecto convocada, e sendo as trece horas trinta minutos deuse inicio á mesma, pasándose ao estudo dos asuntos incluídos na Orde do Día, e adoptándose os seguintes ACORDOS:

1.- ACTA ANTERIOR

Dada conta do borrador da acta da sesión ordinaria do día 6 de agosto de 2024, foi aprobado por unanimidade dos/as Sres./as. concelleiros/as presentes.

2.- CONTRATACIÓN LABORAL PARA SUBSTITUCIÓN DE TRABALLADORA POR GOCE DE VACACIÓNS

Dáse conta á Xunta de Goberno Local que Dona Marinete do Amaral, traballadora laboral do Concello no posto de traballo de auxiliar de axuda no fogar, ten solicitado o goce parcial das súas vacacións anuais durante o presente mes de agosto. Xa que logo existe a necesidade de proceder á contratación urxente dun/dunha novo/a traballador/a que preste o devandito servizo durante dito período, ao tratarse dun servizo prioritario por mor da

atención que presta aos usuarios beneficiarios da Lei de Dependencia, polo que é preciso proceder a súa provisión temporal inmediata.

O Concello considera que a contratación proposta non contradí a prohibición de contratación de persoal temporal durante o ano 2023, establecida no artigo 20.Cinco da Lei de Orzamentos Xerais do Estado para o ano 2023, prorrogado a esta data para o ano 2024, por canto o servizo municipal de axuda no fogar correspóndese cun sector prioritario e que afecta ao funcionamento dos servizos públicos esenciais, constituíndo a súa provisión un suposto excepcional destinado a cubrir unha necesidade urxente e inaprazable, estando por outra parte financiado pola Consellería de Política Social e Xuventude, de conformidade co previsto no artigo 58 do Decreto 99/2012, do 16 de marzo.

O Sr. secretario considera que o posto de traballo debера ser provisto nas condicións legalmente establecidas, atendendo aos principios constitucionais de igualdade, mérito e capacidade, así como ao de publicidade. O Sr. alcalde manifesta que, dada a urxencia da contratación, non se considera aconsellable realizar unha convocatoria pública da mesma, pola demora que ocasionaría no inicio da prestación do servizo. Asemade, constátanse as dificultades coas que se atopa o Concello para acadar persoal cualificado para ocupar estas substitucións ante a ausencia de oferta de candidatos/as coa formación requirida.

Xa que logo, a Xunta de Goberno Local, por unanimidade dos/as Sres./as. concelleiros/as asistentes, e a proposta da traballadora social municipal Dona Tamara García Fuentes, adopta o seguinte ACORDO:

Primeiro.- Autorizar a contratación, como auxiliar de axuda no fogar, mediante un contrato temporal por circunstancias da produción, ao abeiro do disposto no artigo 15 do Estatuto dos Traballadores, da seguinte traballadora:

- ✓ OMAIRA DEL CARMEN QUEVA ANTOIMA, con NIE núm. [REDACTED], a tempo parcial (31,15 horas/semana), entre os días 9 e 28 de agosto do corrente, ambos inclusive, en substitución da traballadora Marinete do Amaral.

Segundo.- Facultar ao alcalde para que asine cantos documentos sexan necesarios para a efectividade deste acordo.

3.- AUTORIZACIÓN PARA MODIFICACIÓN DE XORNADA DE USUARIO NO PUNTO DE ATENCIÓN Á INFANCIA (PAI), CURSO 2024-2025

VISTA a instancia presentada por Don Iago Diéguez Alonso, con DNI núm. [REDACTED], veciño do lugar de Quintá, parroquia de Santa Mariña de Pescoso (RE núm. 1066, do 28/06/24), pola que solicita a modificación da xornada adxudicada ao seu fillo Gael Diéguez Salmerón como usuario do Punto de Atención á Infancia (PAI) para o curso 2024-2025, pasando da xornada parcial de tarde a xornada completa.

A Xunta de Goberno Local, tendo en conta o informe favorable emitido, con data 18/07/24, pola directora do PAI Dona Raquel Blanco Valladares, no que acredita que a solicitude cumpre cos requisitos esixidos así como a existencia de prazas vacantes na quenda solicitada, por unanimidade dos/as Sres./as concelleiros/as asistentes, acorda modificar a xornada adxudicada a dito usuario, pasando a xornada completa con data de efectos do día 1 de setembro do corrente.

4.- CONCESIÓN DE AXUDA ECONÓMICA A FESTA PATRONAL DO LUGAR DE TRASULFE, PARROQUIA DE FAFIÁN

VISTO o escrito presentado por Don Luís Presas Guerra, con DNI núm. [REDACTED] e con domicilio no lugar de Trasulfe, parroquia de Fafián (RE núm. 1281, do 07/08/24), polo que, na representación da Comisión de festas do lugar de Trasulfe, parroquia de Fafián, solicita unha axuda económica do Concello para a festa patronal celebrada o pasado día 13 de xullo do corrente, na honra de San Bieito. A Xunta de Goberno Local, por unanimidade, acorda concederlle unha axuda económica por importe de TRESCENTOS SESENTA EUROS (360,00 €), de conformidade co previsto na Base de execución 10ª do orzamento xeral do exercicio de 2017, prorrogado a esta data para o exercicio corrente.

5.- FACTURAS E PAGOS

Por unanimidade dos/as membros da Xunta de Goberno Local, apróbanse as seguintes facturas e pagos:

- COMERCIALIZADORA REGULADA GAS & POWER S.A. 6.215,35 €
Por consumos de enerxía eléctrica no Concello no mes de xuño de 2024, s/recibos.
- NATURGY IBERIA S.A. 2.568,36 €
Por consumos de enerxía eléctrica nas dependencias municipais no mes de xuño de 2024, s/recibos.
- TELEFÓNICA DE ESPAÑA S.A.U. 148,83 € E 525,14 €
Por consumos de telefonía fixa, móbil e datos, s/facturas núm. TA7DN0001538 e TA7DN0001539 (FACe).
- TELEFÓNICA MÓVILES ESPAÑA S.A.U. 0,00 €, 0,00 € E 18,30 €
Por consumos das liñas de telefonía móbil do Concello, s/facturas núm. 28-H4DD-053630, 28-H4DD-092403 e 28-H4M0-071265 (FACe).
- SOCIEDAD ESTATAL CORREOS Y TELÉGRAFOS S.A., S.M.E. 203,66 € E 1,91 €
Por franqueo de correspondencia oficial do Concello e Xulgado de Paz no mes de xullo de 2024, s/facturas núm. 4004076623 e 4004067367 (FACe).
- LINCOLD IBÉRICA S.L. 821,03 €
Por subministro de cloro para o abastecemento municipal, s/factura núm. FV/00002872 (FACe).
- COSAPLAG S.L.U. 895,67 € E 137,64 €
Por analíticas de potabilidade da auga do abastecemento municipal, s/facturas núm. 20242256 e 20242257 (FACe).

- COSAPLAG S.L.U. 135,08 €
Por analítica de salubridade da auga da piscina municipal, s/factura núm. 20242291 (FACe).
- CHARLATANA S. COOP. GALEGA 700,00 €
Por representación do espectáculo “*Chungo que te cagas*” dentro da programación Cultura no Camiño 2024, s/factura núm. FV/192 (FACe).
- ROBERTO CASAL MOURIÑO 605,00 €
Por representación do espectáculo “*A utópica rodante: de Vilatriste a Vilalegre*”, s/factura núm. RCM/48 (FACe).
- REPSOL LUBRICANTES Y ESPECIALIDADES S.A. 1.162,57 €
Por subministro de aglomerado en frío para obras en camiños municipais, s/factura núm. 0041283353 (FACe).

E non tendo máis asuntos que tratar, o Sr. alcalde-presidente dá por rematada a sesión, sendo as trece horas corenta e cinco minutos, da que como secretario, estendo a presente e certifico.

O secretario,
(*sinatura dixital*)

O alcalde,
(*sinatura dixital*)